

BOSNA I HERCEGOVINA
Federacija Bosne i Hercegovine
TUZLANSKI KANTON
JP "Medunarodni aerodrom Tuzla" d.o.o.

Broj:01/I-525-26/16
G.Dubrave, 25.07.2016.godine

Na osnovu člana 69. stav (1) alineja (b) i stav (3) i člana (70) alineja (4) Zakona o javnim nabavkama BiH (Službeni glasnik Bosne i Hercegovine broj: 39/14), u ime uprave Javnog preduzeća Direktor JP «Medunarodni aerodrom Tuzla» d.o.o., d o n o s i:

ODLUKU
o poništenju postupka javne nabavke broj: 527-I-1-6-3-6/16

I

Poništava se postupak javne nabavke naftnih derivata za vozila i opremu (uređaje) putem otvorenog postupka, pokrenut obavještenjem na web portalu javnih nabavki broj: 527-I-1-6-3-6/16 od 31.05.2016.godine.

II

Ova odluka objavit će se na web-stranici www.tuzla-airport.ba, istovremeno s upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

III

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

O b r a z l o ž e n j e

Ugovorni organ je na osnovu obavještenja na web portalu javnih nabavki broj: 527-I-1-6-3-6/16 od 31.05.2016.godine proveo otvoreni postupak javne nabavke naftnih derivata za vozila i opremu (derivate).

Nakon izvršenog otvaranja ponuda dana 21.06.2016.godine, odnosno izvršene analize ponuda Komisija je utvrdila da su pristigle slijedeće ponude:

1. Ponuđač „HIFA-PETROL“ D.O.O. SARAJEVO - čija cijena ponude sa uračunatim popustom iznosi 305.928,00 KM bez PDV-a,
2. Ponuđač „HIFA“ D.O.O. TEŠANJ - čija cijena ponude sa uračunatim popustom iznosi 304.560,00 KM bez PDV-a,
3. Ponuđač „POLO“ D.O.O. KALESIJA – čija cijena ponude sa uračunatim popustom iznosi 286.655,25 KM bez PDV-a,
4. Ponuđač „HOLDINA“ D.O.O. SARAJEVO – čija cijena ponude sa uračunatim popustom iznosi 303.509,85 KM bez PDV-a.

Uvidom u priloženu dokumentaciju i suštinskom provjerom sadržaja i validnosti dokumentacije, Komisija je utvrdila da ponude svih ponuđača ne ispunjavaju tehničke uslove tražene tenderskom dokumentacijom. Naime, u tački 11.5. tenderske dokumentacije traženo je da je ponuđač ovlašten za obavljanje djelatnosti iz oblasti distribucije naftnih derivata. Ponuđači su bili dužni u svojim ponudama dostaviti ovjerenu kopiju važećeg rješenja za obavljanje djelatnosti iz oblasti distribucije naftnih derivata. Pravilnik o izdavanju dozvola za rad za obavljanje energetskih djelatnosti iz sektora naftnog gospodarstva izdatom od strane Regulatorne komisije za energiju u FBiH koji je stupio na

snagu 27.02.2016. godine nalaže da energetska subjekti, koji obavljaju ili žele obavljati jednu ili više energetskih djelatnosti iz sektora naftnog gospodarstva, obavezni su imati, odnosno, pribaviti dozvolu za rad (licenciju) od FERK-a, sukladno zakonu i navedenom pravilniku.

Komisija je, slijedom upute dobijene putem telefona od strane uposlenika za pružanje savjetodavne pomoći AJN, postupila shodno odredbi člana 20. Stav (1) Zakona o javnim nabavkama te uputila poziv za otklanjanje nedostataka broj: 01/I-525-19/16 od dana 14.07.2016. godine. U navedenom aktu je od svih ponuđača traženo da dostave ovjerenu kopiju važećeg rješenja za obavljanje djelatnosti iz oblasti distribucije naftnih derivata. Svi ponuđači su u roku dostavili traženu dokumentaciju.

Nakon toga komisija je izvršila dalju evaluaciju ponuda i utvrdila slijedeće:

1. Ponuda ponuđača „HIFA-PETROL“ D.O.O. SARAJEVO ispunjava formalno pravne, ekonomske i tehničke uslove odnosno zahtjeve ugovornog organa utvrđene u tenderskoj dokumentaciji.
2. Ponuda ponuđača „HIFA“ D.O.O. TEŠANJ ispunjava formalno pravne, ekonomske i tehničke uslove odnosno zahtjeve ugovornog organa utvrđene u tenderskoj dokumentaciji.
3. Ponuda ponuđača „POLO“ D.O.O. KALLESIIJA ispunjava formalno pravne, ekonomske i tehničke uslove odnosno zahtjeve ugovornog organa utvrđene u tenderskoj dokumentaciji.
4. Ponuda ponuđača „HOLDINA“ D.O.O. SARAJEVO ne ispunjava formalno pravne, ekonomske i tehničke uslove odnosno zahtjeve ugovornog organa utvrđene u tenderskoj dokumentaciji. Ponuđač je dostavio ovjerenu i potpisanu izjavu o raspolaganju i adresama benzinskih pumpi na lokacijama na teritoriji BiH od strane istog a u tenderskoj dokumentaciji je navedeno da je obavezno da navedena izjava mora biti ovjerna od strane nadležnog organa (tačka 11.5). Ponuđač je propustio dostaviti obrazac kojim potvrđuje da je cijena jednog litra lož ulja odobrena od strane nadležnog ministarstva u momentu prijavljivanja na tender.

Komisija je izvršila obaveznu računsku provjeru ispravnosti ponuda i utvrdila da su ponuđači dostavljali cijene za dvije vrste DIZELA bas en 590 odnosno za DIZEL bas en 590 50 ppm i za DIZEL bas en 590 10 ppm. Slijedom navedenog, komisija je zaključila da su ponude neuporedive zbog nedovoljno precizno utvrđenih karakteristika tražene robe u tenderskoj dokumentaciji, odnosno DIZEL bas en 590 gdje je ugovorni organ propustio naznačiti vrstu odnosno oznaku 10 ppm ili 50 ppm.

Slijedom navedenog, uzimajući u obzir da zbog pogreške odnosno nedostatka u samoj tehničkoj specifikaciji tenderske dokumentacije nije moguće izvršiti poređenje i vrednovanje ponuda jer se odnosne na različite vrste goriva. Komisija je konstatovala da postoje uslovi za poništenje postupka nabavke u skladu sa članom 69. Stav (1) alineja (b) i stav (3) Zakona o javnim nabavkama BiH.

Na osnovu prijedloga Komisije za provođenje postupka nabavke naftnih derivata za vozila i opremu (uređaje), ovlašteni organ ugovornog organa donio je odluku kao u dispozitivu.

PRAVNA POUKA: Žalba se može izjaviti u roku od 10 (deset) dana od dana prijema ove Odluke. Žalba se izjavljuje ugovornom organu u pisanoj formi direktno ili preporučeno poštanskom pošiljkom.

Dostavljeno:
4 x Ponuđačima
1 x Evidenciji
1 x a/a



DIREKTOR
Rifat Karasmihić